



Stellingwarver Schrieversronte

An de Stichting Stellingwerfs Eigen
t.a.v. de heer P. Bult, siktaoris
Grindweg 18
8422 DN Nijeberkoop

Berkoop, 6 jannewaori 2010

Acht bestuur,

Jim an mi'j richte mail van oflopen 15 december kwam in oons bezit.

Et bestuur van de Stellingwarver Schrieversronte had nog even overleg over een reaktie.

Wi'j reageren graeg per brief.

Oons bestuur had et oflopen jaor een tal gesprekken mit jim waor mit naeme et thema van - een vorm van - saemenwarking centraol ston. Wi'j kwammen tot de konklusie dat de basis veur zoe'n saemenwarking ontbrekt. In oonze brieven van 10 feberwaori 2009 en 18 meert 2009 gavven wi'j dat ok an.

In et jim mailbericht van 15 december geven jim gien ni'je gezichtspunten an die een aander standpunt rechtveerdigen.

Mit betrekking tot de suggestie in jim mailbericht asof oonze direkteur een besluit neumen hebben zol om niet te reageren op konkrete vraogen van jim kaante marken wi'j et volgende op.

In et eerste plak zal et netuurlik altied zo wezen dat de Stichting Stellingwarver Schrieversronte of zien direkteur reageert op konkrete vraogen; ók op vraogen van de Stichting Stellingwerfs Eigen. De direkteur handelt vanzels binnen et kader van de besluten die deur et bestuur van de Schrieversronte neumen binnen.

Oonze direkteur het oons angeven dat et mailbericht van oflopen 3 november waor jim in jim mailbericht an de veurzitter over praoten, niet binnenkommen is. Et was misschien goed west as op praktische wieze, bi'jglieks per tillefoon, bi'j mevrouw Bloemhoff infermeerd was as de mail waor et hier omme gaot, wel op et goeie plak ankommen was, veurdats vanwegens et niet reageren daarop de konklusie trokken wodt dat daor doelbewust beleid achter schoelt.

Mit hattelike groeten,

Veur de Stichting Stellingwarver Schrieversronte,

Ype Dijkstra, veurzitter

Stichting Stellingwarver Schrieversronte

Instituut veur Stellingwarver tael en kultuur mit historisch en volkskundig archief

Wilinge Prinsstraote 10, 8421 PE Oldeberkoop / Berkoop

Tillefoon (0516) 45 11 08. Tillefax (0516) 45 11 09

www.stellingwarfs.nl

e-mail: info@stellingwarfs.nl